

Matchbericht 4. Liga b
SV Thun-Strättligen – Uni Bern

3:0 (25:23; 25:15; 25:8)

Spielerinnen: Chrige, Raphi, Larissi, Meli, Jase, Tame, Rebi, Däni, Shoty, Tine

Mit wieder mau 10 Spielerinne si mir mit vouer Motivation zu dem Spiu aträtte. Mir hei nid ganz gwüsst was üs erwartet, da mir Uni Bern no nie ir Gruppe gha hei. Scho bim lspiele hei mir gwüsst es wird nid eifach.

Am Anfang vom erschte Satz si mir nid so rächt id Gäng cho. Es isch chli es hin u här gsi u de simer plötzläch mit 6 Punkt hinge gsi. Mir hei üs aber wieder chöne fasse u dank de guete Aspiu u Agriffe hei mir dä Satz mit 25:23 chöne is trockene due.

Bim zwöite Satz hei mir gwüsst dases nid eifacher wird. Aber es chunt de glich ging anders aus mr meint. Mir si gli mit paar Punkt vore gsi u Uni Bern isch ibroche. Mir hei o dä Satz chöne is trockene due u das mit 25 zu 14.

Itz hei mir natürlich das Spiu i 3 Satz wöue gwinne u das het mr o gmerkt. Mir hei super Aspiu gha u o Agriffe isch super worde. Es isch aus glunge u dr Volley Gott isch uf üsere Site gsi. Dr Satz hei mir mit 25 zu 8 gwunne u somit hei mr di nächste 3 Punkt uf üsem Konto.

Sogar dr Urs het üs grüähmt u das söu öpis heisse :-)

Froue i bi stolz uf üs hei mir so e guete Saisonstart gha mit 4 Siege.
Witer so **feeehhhh Pjoooscht!!**